

საქართველოს შრომის, ჯანმრთელობისა და სოციალური დაცვის
სამინისტრო



WWW.MOH.GOV.GE

სამინისტროს ცენტრალური აპარატის 2011 წლის ასიგნებების
ფარგლებში, კომპიუტერული მოწყობილობებისა და მარაგის
სახელმწიფო შესყიდვის

ელექტრონული ტენდერის

ს ა ტ ე ნ დ ე რ ო დ ო კ უ მ ე ნ ტ ა ც ი ა

თბილისი 2011 წელი

ს ა რ ზ ე ვ ი

1. ინსტრუქცია ტენდერში მონაწილეთათვის 3 გვ.
2. საკვალიფიკაციო მოთხოვნები 7 გვ.
3. ტექნიკური დავალება 8 გვ.
4. სახელმწიფო შესყიდვის შესახებ ხელშეკრულების პროექტი 12 გვ.
5. დამატებითი ინფორმაცია 15 გვ.
6. დანართი №1 16 გვ.
7. ფასების ცხრილი (დანართი №2) 17 გვ.
8. მოსაწოდებელი საქონლის ტექნიკური მახასიათებლები (დანართი №3) 21 გვ.
9. აფიდავიტის საილუსტრაციო ფორმა (დანართი №4) 22 გვ.

1. ინსტრუქცია ტენდერში მონაწილეობის

1.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესი“-ს შესაბამისად.

1.2 სატენდერო წინადადების წარდგენისათვის უნდა იყოს დარეგისტრირებული სისტემაში მიმწოდებლის სტატუსით. შემდეგ ვალდებული ხარო გაეცნოთ აფიდავიტს და დაეთანხმოთ მას (გაცნობას და თანხმობას ადასტურებთ სისტემის მეშვეობით, აფიდავიტის საილუსტრაციო ფორმა იხ. დანართი №4).

1.3 ამის შემდეგ, მიმწოდებელი ვალდებულია ჯერ წარმოადგინოს სატენდერო წინადადების უზრუნველყოფის ელექტრონული გარანტია, ხოლო შემდეგ გადაიხადოს ტენდერში მონაწილეობის საფასური.

1.4 სატენდერო წინადადების უზრუნველყოფის ელექტრონული გარანტია წარმოდგენილი უნდა იქნას სატენდერო განცხადებაში მითითებული სავარაუდო ღირებულების 1%-ის ოდენობით. ტენდერში მონაწილეობის საფასური შეადგენს 50 ლარს.

1.5 ელექტრონული გარანტიის წარდგენისა და საფასურის გადახდის სისტემაში არსებული ავტომატური საშუალებების გაუმართაობის შემთხვევაში, ყოველ კონკრეტულ ტენდერში, ელექტრონული გარანტიის წარდგენა და საფასურის გადახდა შესაძლებელია განხორციელდეს სააგენტოსთან შეთანხმებით, ტექნიკური დოკუმენტაციის სისტემაში ატვირთამდე, სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესი“-თ გათვალისწინებული პროცედურების გამოყენებით. აღნიშნული ქმედებების განხორციელების გარეშე თქვენ არ გექნებათ სატენდერო წინადადების წარდგენისა და, შესაბამისად, ტენდერში მონაწილეობის შესაძლებლობა.

1.6 ამ ინსტრუქციის 1.5 პუნქტით გათვალისწინებულ შემთხვევაში, როდესაც ხდება ელექტრონული გარანტიის წარდგენა და საფასურის გადახდა სისტემის გამოყენების გარეშე, ელექტრონული გარანტიის დედანი და საფასურის გადახდის დამადასტურებელი დოკუმენტი წარედგინება შემსყიდველ ორგანიზაციას. აღნიშნული ქმედებების განხორციელების გარეშე თქვენ არ გექნებათ სატენდერო წინადადების წარდგენისა და შესაბამისად ტენდერში მონაწილეობის შესაძლებლობა.

1.7 ელექტრონული გარანტიის ოდენობა შეადგენს შესყიდვის ობიექტის სავარაუდო ღირებულების 1 (ერთი) პროცენტს, ხოლო ვადა განისაზღვრება სახელმწიფო შესყიდვების ერთიან ელექტრონულ სისტემაში „წინადადებების მიღება დაწყებულია“ – სტატუსით გათვალისწინებული ეტაპის დაწყებიდან არანაკლებ 60 კალენდარული დღით.

1.8 ტენდერში მონაწილეობის მისაღებად პრეტენდენტს შეუძლია წარადგინოს წინადადება სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესი“-ს მე-2 მუხლის პირველი პუნქტის „ლ“ ქვეპუნქტით გათვალისწინებულ ეტაპზე. პრეტენდენტის მიერ წარდგენილი წინადადება ძალაშია აღნიშნული წესის მე-2 მუხლის პირველი პუნქტის „ქ“, „რ“ ან „ტ“ ქვეპუნქტებით გათვალისწინებული ეტაპის დადგომამდე.“

1.9 სატენდერო წინადადება შედგება სატენდერო წინადადების ფასისგან და ტექნიკური დოკუმენტაციისგან.

1.10 ტექნიკური დოკუმენტაცია არის პრეტენდენტის მიერ სისტემაში ატვირთული შესყიდვის ობიექტისა და პრეტენდენტის შესახებ ნებისმიერი სახის ინფორმაცია, რომელიც მოთხოვნილია სატენდერო

განცხადებითა და სატენდერო დოკუმენტაციით, გარდა ადმინისტრაციული ორგანოდან წარმოსადგენი საკვალიფიკაციო მონაცემების დამადასტურებელი დოკუმენტებისა.

1.11 ტექნიკური დოკუმენტაციის ატვირთვის შემდეგ, თქვენ გაქვთ შესაძლებლობა მიუთითოთ თქვენი სატენდერო წინადადების ფასი.

1.12 სატენდერო წინადადების ფასის მითითებისთანავე თქვენ უფლება გაქვთ მიიღოთ მონაწილეობა ელექტრონულ ვაჭრობაში, რომელიც იყოფა ძირითად დროდ და დამატებით 3 რაუნდად.

1.13 ძირითად დროში უფლება გაქვთ ცვალოთ თქვენი ფასი, კლებადობის პრინციპის გათვალისწინებითა და შემსყიდველის მიერ განსაზღვრული ბიჯზე არანაკლები ოდენობით.

1.14 ბიჯი არის სატენდერო წინადადების ფასის კლების წინასწარ განსაზღვრული მინიმალური ოდენობა, რომელიც მითითებულია სატენდერო განცხადების შესაბამის ველში.

1.15 ელექტრონული ვაჭრობის დამატებითი რაუნდები – ელექტრონული ვაჭრობის დამატებითი სამი რაუნდი (შემდგომში დამატებითი რაუნდები), რომელიც იწყება სახელმწიფო შესყიდვების სააგენტოს თავმჯდომარის 2011 წლის 7 აპრილის N98რძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესი“-ს მე-2 მუხლის პირველი პუნქტის „წ“ ქვეპუნქტით გათვალისწინებული ძირითადი დროის დასრულებისთანავე და გრძელდება ამავე პუნქტის „მ“ ქვეპუნქტით გათვალისწინებული ეტაპის დაწყებამდე. თითოეული რაუნდის დაწყებამდე მიმდინარეობს ორწუთიანი შესვენება. თითოეულ რაუნდში პრეტენდენტს უფლება აქვს მხოლოდ ერთხელ შეამციროს წინადადების ფასი, რისთვისაც თითოეულ პრეტენდენტს განესაზღვრება ორი წუთი. დამატებით რაუნდებში მონაწილეობა სავალდებულო არ არის და პრეტენდენტს უფლება აქვს რაუნდში მონაწილეობა არ მიიღოს და, შესაბამისად, ძალაში დარჩება მის მიერ ბოლოს დაფიქსირებული ფასი. რაუნდებში მონაწილეობის მიღება გულისხმობს ზემოთ აღნიშნული პრინციპით ფასის შემცირებას ან მის იგივე ოდენობით დატოვებას.

1.16 დამატებით რაუნდებში მონაწილეობის უფლება აქვთ მხოლოდ იმ პრეტენდენტებს, რომლებმაც ძირითად დროში წარადგინეს წინადადება დადგენილი წესით. პირველ რაუნდში პრეტენდენტის მიერ წინადადების ფასის წარდგენის რიგითობა განისაზღვრება ძირითად დროში წარდგენილი წინადადების ფასის მიხედვით, კერძოდ, პირველ რაუნდში პირველ შეთავაზებას აკეთებს ის პრეტენდენტი, რომელმაც ძირითად დროში ყველაზე მაღალი ფასი დააფიქსირა, ხოლო ყოველ მომდევნო რაუნდში - კი ის პრეტენდენტი, რომელმაც წინა რაუნდში ყველაზე მაღალი ფასი დააფიქსირა. წინადადების თანაბარი ფასების დაფიქსირების შემთხვევაში, რაუნდში პირველ შეთავაზებას აკეთებს ის პრეტენდენტი, რომელმაც ბოლომ დააფიქსირა ასეთი ფასი.

1.17 მას შემდეგ, რაც დასრულდება დამატებითი რაუნდები, სისტემა პრეტენდენტებს აჯგუფებს სატენდერო წინადადების ფასის მიხედვით. ამის შემდეგ შემსყიდველი ორგანიზაციის მიერ მოწმდება ყველაზე დაბალი ფასის მქონე პრეტენდენტის ტექნიკური დოკუმენტაცია.

1.18 იმ შემთხვევაში თუ ორი ან მეტი პრეტენდენტის მიერ სისტემაში მითითებულია თანაბარი ფასი, სისტემა ავტომატურად ანიჭებს უპირატესობას იმ პრეტენდენტს, რომელმაც პირველმა მიუთითა სატენდერო წინადადების აღნიშნული ფასი.

1.19 თუ პრეტენდენტის მიერ წარმოდგენილი ტექნიკური დოკუმენტაცია არ შეიცავს ისეთ მონაცემს ან/და შეიცავს ისეთ უზუსტობებს, რომელთა წარმოდგენა ან/და დაზუსტება არ გამოიწვევს ტექნიკური დოკუმენტაციის არსებით ცვლილებას და არ მოახდენს გავლენას წინადადების ფასზე, შემსყიდველი მას განუსაზღვრავს გონივრულ ვადას, მაგრამ არაუმეტეს 3 სამუშაო დღისა ტექნიკური დოკუმენტაციის დაზუსტებისათვის.

1.20 თუ პრეტენდენტის ტექნიკური დოკუმენტაცია შეესაბამება სატენდერო განცხადებისა და სატენდერო დოკუმენტაციის მოთხოვნებს, შემსყიდველი ორგანიზაცია მიმართავს მას ადმინისტრაციული ორგანოს მიერ გასაცემი საკვალიფიკაციო მონაცემების დამადასტურებელი დოკუმენტების წარმოდგენის მოთხოვნით, რისთვისაც განუსაზღვრავს გონივრულ ვადას, მაგრამ არა უმეტეს 5 სამუშაო დღისა.

1.21 საკვალიფიკაციო მონაცემების დამადასტურებელი დოკუმენტების წარმოდგენა შემსყიდველ ორგანიზაციაში შესაძლებელია განხორციელდეს სისტემის გამოყენების გარეშე, საქართველოს კანონმდებლობით დადგენილი ფორმით. პრეტენდენტს ასევე, უფლება აქვს საქართველოს კანონმდებლობით დადგენილი ფორმით გაცემული საკვალიფიკაციო მონაცემების დამადასტურებელი დოკუმენტები შემსყიდველ ორგანიზაციას წარუდგინოს სისტემის მეშვეობით, საკვალიფიკაციო მონაცემების დამადასტურებელი დოკუმენტების საქართველოს კანონმდებლობით დადგენილი ფორმით წარმოდგენის ვალდებულება პრეტენდენტს წარმოეშობა ხელშეკრულების ხელმოწერის მომენტისათვის.

1.22 იმ შემთხვევაში თუ ყველაზე დაბალი ფასის მქონე პრეტენდენტმა წარმატებით გაირა ყველა ზემოთ მოყვანილი ეტაპი (არ იქნა დისკვალიფიცირებული), ამ პრეტენდენტის მიერ საკვალიფიკაციო მონაცემების დამადასტურებელი დოკუმენტების წარდგენიდან არაუგვიანეს 5 სამუშაო დღისა, შემსყიდველი დებს მასთან სახელმწიფო შესყიდვების შესახებ ხელშეკრულებას.

1.23 პრეტენდენტი ექვემდებარება დისკვალიფიკაციას მხოლოდ შემდეგ შემთხვევებში:

- ა) თუ მის მიერ წარმოდგენილი ტექნიკური დოკუმენტაცია, სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესი“-ს მე-12 მუხლის მე-5 და მე-6 პუნქტების გათვალისწინებით, არ შეესაბამება სატენდერო განცხადებას ან/და სატენდერო დოკუმენტაციას;
- ბ) თუ მის მიერ წარმოდგენილი საკვალიფიკაციო მონაცემების დამადასტურებელი დოკუმენტები არ შეესაბამება სატენდერო განცხადებას ან/და სატენდერო დოკუმენტაციას;
- გ) თუ ის არ დააზუსტებს ტექნიკურ დოკუმენტაციას სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესი“-ს მე-12 მუხლის მე-6 პუნქტით დადგენილ ვადაში;
- დ) თუ ის არ წარმოადგენს საკვალიფიკაციო მონაცემების დამადასტურებელ დოკუმენტებს ამ წესის მოთხოვნათა დაცვით;
- ე) თუ ის არის სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესი“-ს მე-15 მუხლის პირველ პუნქტით გათვალისწინებული გამარჯვებული პრეტენდენტი და უარს აცხადებს სახელმწიფო შესყიდვის შესახებ ხელშეკრულების დადებაზე ან არ წარმოადგენს ხელშეკრულების შესრულების უზრუნველყოფის გარანტიას;
- ვ) თუ სახელმწიფო შესყიდვის შესახებ ხელშეკრულების დადების უფლების მოპოვების მიზნით, ჩაიდენს არაკეთილსინდისიერ ქმედებას.“.

1.24 ამ ინსტრუქციის 1.23 ქვეპუნქტით გათვალისწინებულ შემთხვევებში, შემსყიდველ ორგანიზაციას უფლება აქვს მიმართოს ყველაზე დაბალი ფასის მქონე მომდევნო პრეტენდენტს, თუ ამ პრეტენდენტის მიერ სისტემაში ატვირთული ტექნიკური დოკუმენტაცია შეესაბამება სატენდერო განცხადებასა და სატენდერო დოკუმენტაციაში მოცემულ მოთხოვნებს.

1.25 გამარტივებული ელექტრონული ტენდერის ან ელექტრონული ტენდერის ჩატარებისას, სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესი“-ს მე-2 მუხლის პირველი პუნქტის „ჟ“, „რ“ და „ტ“ ქვეპუნქტებით გათვალისწინებული ეტაპის შემდეგ ელექტრონული გარანტია უბრუნდება პრეტენდენტს, გარდა იმ შემთხვევებისა, როდესაც:

1. ა) პრეტენდენტი უარს იტყვის თავის სატენდერო წინადადებაზე;
2. ბ) პრეტენდენტი შეყვანილია შავ სიაში შესაბამისი ტენდერის ჩატარების შედეგად;

გ) პრეტენდენტი დისკვალიფიცირებულია ამ წესის მე-13 მუხლის მე-2 პუნქტის „ბ“, „გ“, „ე“ და „ზ“ ქვეპუნქტების შესაბამისად

1.26 იმ შემთხვევაში, თუ ელექტრონული გარანტიის პრეტენდენტისათვის დაბრუნება მოხდება ამ ინსტრუქციის 1.25 პუნქტით დადგენილი პირობების დარღვევით, პრეტენდენტი ვალდებულია სახელმწიფო შესყიდვების სააგენტოს დაუბრუნოს საგარანტიო თანხა შესაბამისი მოთხოვნისთანავე.

1.27 ელექტრონული ტენდერის შეწყვეტა:

ა) სატენდერო კომისიას უფლება აქვს შეწყვიტოს ტენდერი, თუ ყველაზე დაბალი ფასის მქონე პრედენდენტის დისკვალიფიკაციის შემდეგ, მომდევნო ყველაზე დაბალი ფასის მქონე პრეტენდენტის წინადადების ფასი ბაზარზე შეცვლილი გარემოებების შედეგად, მნიშვნელოვნად აღემატება დისკვალიფიცირებული პრეტენდენტის მიერ შემოთავაზებულ ფასს ან/და ამ შესყიდვის ობიექტის საბაზრო ღირებულებას.

ბ) სატენდერო კომისიას უფლება აქვს გამარტივებული ელექტრონული ტენდერისა და ელექტრონული ტენდერის შემთხვევებში ხელშეკრულების დადებამდე ნებისმიერ დროს შეწყვიტოს შესყიდვის პროცედურა, თუ ეს აუცილებელი გახდება მისგან დამოუკიდებელი და წინასწარ გაუთვალისწინებელი ობიექტური მიზეზებით, აგრეთვე საქართველოს სახელმწიფო ან/და საზოგადოებრივი ინტერესებიდან გამომდინარე;

გ) შესყიდვის პროცედურების შეწყვეტის შემთხვევაში შემსყიდველი ორგანიზაცია ვალდებული არ არის, შესყიდვაში მონაწილე პირებს წარუდგინოს კონკრეტული მტკიცებულება ან დეტალური ინფორმაცია, რომლის საფუძველზედაც მიიღო ეს გადაწყვეტილება. შესყიდვის პროცედურების შეჩერებისას ან შეწყვეტისას შემსყიდველი ორგანიზაცია ვალდებული არ არის, აანაზღაუროს შესყიდვაში მონაწილეობასთან დაკავშირებული ხარჯები.

1.28 ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.29. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.30. სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს უფლებამოსილი პირის მიერ.

1.31. ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.32. პრედენდენტს არა აქვს უფლება წარმოადგინოს ალტერნატიული წინადადება.

2. საკვალიფიკაციო მოთხოვნები

საკვალიფიკაციო მოთხოვნები

1. საკვალიფიკაციო მოთხოვნების თანახმად, პრეტენდენტმა უნდა წარმოადგინოს შემდეგი დოკუმენტები:

1.1. იურიდიული პირისათვის:

- ამონაწერი სამეწარმეო რეესტრიდან. (საჯარო რეესტრის ეროვნული სააგენტოდან);
- ცნობა საჯარო რეესტრის ეროვნული სააგენტოდან, იურიდიული პირის ქონებაზე (მასზე რეგისტრირებული ქონების არსებობის შემთხვევაში) საჯარო სამართლებრივი შეზღუდვა რეგისტრირებული არ არის (არარეზიდენტი პირისათვის ცნობა სათანადო უფლებამოსილი ორგანოდან, ლეგალიზებული ფორმა);
- ცნობა სასამართლოდან, რომ არ მიმდინარეობს მის მიმართ გადახდისუუნარობის საქმის წარმოება (არარეზიდენტი პირისათვის ცნობა სათანადო უფლებამოსილი ორგანოდან, ლეგალიზებული ფორმა);
- ცნობა საჯარო რეესტრის ეროვნული სააგენტოდან, რომ არ მიმდინარეობს იურიდიული პირის რეორგანიზაცია ან ლიკვიდაცია.

1.2. ფიზიკური პირისათვის:

- ცნობა სათანადო დაწესებულებიდან, რომ არ მიმდინარეობს მის მიმართ გადახდისუუნარობის/გაკოტრების საქმის წარმოება.

1.3. როგორც იურიდიული, ასევე ფიზიკური პირებისათვის:

- ცნობა საგადასახადო ინსპექციიდან სახელმწიფო ბიუჯეტისადმი დავალიანების არარსებობის შესახებ.

არარეზიდენტმა პირებმა პირველ პუნქტში მითითებული საკვალიფიკაციო მონაცემები უნდა წარმოადგინონ სათანადო უფლებამოსილი ორგანოდან, დადგენილი წესით დამოწმებული თარგმანის სახით - ლეგალიზებული ფორმა.

2. ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები გაცემულ უნდა იყოს - „სახელმწიფო შესყიდვის ელექტრონული საშუალებით განხორციელების შესახებ დროებითი წესის“ მე-2 მუხლის პირველი პუნქტის „ლ“ ქვეპუნქტით გათვალისწინებული ეტაპის (წინადადების მიღება დაწყებულია) დაწყების შემდეგ, ხოლო არარეზიდენტი პრეტენდენტის შემთხვევაში – საკვალიფიკაციო მონაცემების დამადასტურებელი დოკუმენტები გაცემული უნდა იყოს „სახელმწიფო შესყიდვის ელექტრონული საშუალებით განხორციელების შესახებ დროებითი წესის“ მე-2 მუხლის პირველი პუნქტის „ლ“ ქვეპუნქტით გათვალისწინებული ეტაპის (წინადადების მიღება დაწყებულია) დაწყებამდე არაუგვიანეს ოცდაათი დღისა.

3. ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები, დედნის სახით ან ნოტარიულად დამოწმებული ასლები, წარმოდგენილ უნდა იქნეს შემსყიდველ ორგანიზაციაში მოთხოვნიდან არა უმეტეს 5 (ხუთი) სამუშაო დღეში. არარეზიდენტმა პრეტენდენტ(ებ)მა უნდა წარმოადგინონ თავიანთი ქვეყნის შესაბამისი უფლებამოსილი ორგანოების მიერ გაცემული საკვალიფიკაციო მონაცემების დამადასტურებელი დოკუმენტები, რომლებსაც თან უნდა დაერთოს ნოტარიულად დამოწმებული თარგმანი ქართულ ენაზე.

4. პრეტენდენტის მიერ ადმინისტრაციული ორგანოებიდან წარმოსადგენი საკვალიფიკაციო მონაცემების წარმოდგენა შემსყიდველ ორგანიზაციაში ხორციელდება სისტემის გამოყენების გარეშე, საქართველოს კანონმდებლობით დადგენილი ფორმით. პრეტენდენტის მიერ საკვალიფიკაციო მონაცემების წარმოუდგენლობის ან/და ხარვეზის მქონე მონაცემების წარმოდგენის შემთხვევაში, სატენდერო კომისია მოახდინს ამ პრეტენდენტის დისკვალიფიკაციას.

3. ტექნიკური დავალება

საქართველოს შრომის, ჯანმრთელობისა და სოციალური დაცვის სამინისტროს მიერ კომპიუტერული მოწყობილობებისა და მარაგის შესყიდვა

3.1. შესყიდვის ობიექტი:

დასახელება	მინიმალური სპეციფიკაციები	რაოდენობა	მოწოდების ადგილი	მოწოდების ვადა
პერსონალური კომპიუტერი	პროცესორი – 2 ბირთვი, 3.1 GHz, L2 კეში 3 MB 1066-MHz FSB ან 3 ბირთვი, 3.1 GHz, L2 1.5 MB კეში; მყარი დისკი - მინიმუმ 320-GB SATA II (7200 rpm); ოპერატიული მეხსიერება - 2-GB DDR3 PC3-8500(1066MHZ NON-ECC) ; ოპერატიული მეხსიერების სლოტი - 2 DDR3 მეხსიერების სლოტი; ოპერატიული მეხსიერების დასაშვები მაქსიმუმი - მინიმუმ 4-GB OF DDR3 ; ოპტიკური დისკის წამკითხველი - SATA CD/DVD WRITER; გრაფიკული ბარათი - ინტეგრირებული; აუდიო სისტემა - ინტეგრირებული; ქსელური კავშირი - ინტეგრირებული 10/100/1000 ETHERNET CONTROLLER ; სლოტები დედაპლათაზე - მინიმუმ PCI(2), PCIe x1(1), PCIe X16 გრაფიკული(1) სლოტები; წინა პანელი - არა ნაკლებ (2) USB 2.0 პორტი, AUDIO IN/OUT მისაერთებლები ; უკანა პანელი - არა ნაკლებ (4) USB 2.0, RJ-45, VGA ან DVI VIDEO, AUDIO IN/OUT JACKS, MIC JACK პორტები; კვების სისტემა - POWER SUPPLY of appropriate capacity; ძაბვა - AC, 220V, 50/60 Hz.; კლავიატურა - USB სტანდარტული (QWERTY); მაუსი - USB ოპტიკური (SCROLL); შესაბამისობის სერტიფიკატი - ISO 9001-9002 სერტიფიკატი; საგარანტიო ვადა - მინიმუმ 3 წელი;	170	ქ. თბილისი წერეთლის გამზირი #144	ხელშეკრულების გაფორმებიდან 15 დღეებში
მონიტორი 1	ეკრანის დიაგონალური ზომა - არა ნაკლებ 19" WIDESCREEN ; Ratio - 16:09 ; ხედვის კუთხე - 160 ჰორიზონტალური/160 ვერტიკალური ან მეტი; სიკაშკაშე - არა ნაკლებ 200 NITS ; კონტრასტულობა (დინამიური) - 1000:1 ან მეტი; რეაგირების დრო - არა უმეტეს 5 MS ; პიქსელის ზომა - არა უმეტეს 0.28; შემავალი პორტები - VGA ან DVI (მოთხოვნილ კომპიუტერებთან თავსებადი და მისაერთებლად საჭირო კაბელებით); გაფართოება - არანაკლებ 1440 X 900, 60 HZ ; ძაბვა - AC, 220V, 50/60 Hz.; შესაბამისობის სერტიფიკატი - ISO 9001-9002 სერტიფიკატი; საგარანტიო ვადა - მინიმუმ 3 წელი;	185	ქ. თბილისი წერეთლის გამზირი #144	ხელშეკრულების გაფორმებიდან 15 დღეებში

უწყვეტი კვების წყარო	სიმძლავრე - 600 V/A 350-360W IN 220 +/- 25% OUT 220 +/- 5% ; გამომავალი პორტები - არანაკლებ 2 battery backup, 1 surge protection; საგარანტიო პერიოდი - მინიმუმ 1 წელი;	185		
პორტაბელური კომპიუტერი 1	პროცესორი - 2 ბირთვი, triple channel memory, არანაკლებ 2.1 GHz, 3 MB L3 კეში; ოპერატიული მეხსიერება - არანაკლებ 3 GB 1333 MHz DDR3 SDRAM; მყარი დისკი - არანაკლებ 250 GB RPM 7200 rpm; დისკის ოპტიკური წამკითხველი - CD/DVD RW; ვიდეო ბარათი - ინტეგრირებული HD ფუნქციით; ქსელური კავშირი - Wi-Fi: 802.11 b/g/n, Bluetooth, 1000Base-T (Ethernet); ინტეგრირებული აქსესუარები - სტერეო დინამიკები, ვებ კამერა 0,3 MP ან მეტი, ინტეგრირებული; ეკრანი/გაფართოვება - 13.1-13,3" LED (1366 x 768); გარე პორტები - პორტების რაოდენობა არა ნაკლებ 2 USB 2.0, 1 VGA , 1 HDMI, 1 სტერეო მიკროფონი(in), 1 სტერეო ყურსასმენი(line-out), 1 RJ-45; ელემენტი - 6 Cell L-Lion მინ. 4 საათის მუშაობის ხანგრძლივობით; ძაბვა - AC, 220V, 50/60 Hz.; ჩანთა - შესაბამისი ზომის; საგარანტიო ვადა - მინიმუმ 3 წელი;	20		
პორტაბელური კომპიუტერი 2	პროცესორი - 2 ბირთვი, CISC პროცესორი, 4 MB კეში; მინ. 2.5 GHz, Turbo Frequency მინ 2.8 GHz, Thread არხების რაოდენობა - 4; ოპერატიული მეხსიერება - არა ნაკლებ 4GB DDR3; ხისტი დისკი - არა ნაკლებ 160 GB Solid Drive; ოპტიკური დისკი - ჩამონტაჟებული კომბინირებული DVD±R/CD-RW; , ინტეგრირებული GPU (გრაფიკული კარტა) - 1 GB; ქსელი - ჩამონტაჟებული Wi-Fi: 802.11 b/g/n, Bluetooth, 1000Base-T (Ethernet); აქსესუარი - ჩამონტაჟებული ვებ-კამერა; სლოტები - PCMCIA, SD CARD, Pro Duo მეხსიერების სლოტი; დისპლეი - 13.1,13.3' ფერადი, თხევად კრისტალებზე(LED), რეზოლუცია 1600x900; შესაერთებლები - USB 2.0, i-LINK (IEEE 1394), მიკროფონის და ყურთსასმენის, VGA, HDMI; კვება - 6 Cell L-Lion მინ. 4 საათის მუშაობის ხანგრძლივობით; ოპერაციული სისტემა - Microsoft Windows 7 Professional 64-bit; ელ-კვება - AC, 220V, 50/60 Hz.; წონა - მაქს. 1.4 კგ; ჩანთა - შესაბამისი ზომის; საგარანტიო ვადა - მინიმუმ 1 წელი;	1	ქ. თბილისი წერეთლის გამზირი #144	ხელშეკრულების გაფორმებიდან 15 დეკემბრამდე

გრაფიკული სამუშაო სადგური	პროცესორი 6 Core CISC Processor 3.2 GHz, 12MB cache, 1066MHz FSB; ოპერატიული მეხსიერება 3x4GB 1333 MHz DDR3 ECC Unbuffered RAM; მყარი დისკები 160GB Solid State Drive, 1000 GB 7200 rpm SATA; კონტროლერი ინტეგრირებული SATA 3.0 Gb/s RAID 0, 1, 10, 5 მხარდაჭერით; არასტანდარტული პორტები 4 LSI 3041E, SAS 3 გბ/წმ RAID; ოპტიკური წამკითხველი DVD /-RW; ვიდეოადაპტერი PCI Express X16, 512MB GDDR3 SDRAM, 2 DisplayPort და 2 DVI (ან 2 DisplayPort და 1 Dual-Link DVI) პორტებით; ქსელის ინტერფეისი 1000MB; კლავიატურა; ოპტიკური მაუსი; უნდა მოყვებოდეს კაბელების კომპლექტი, რომელიც უზრუნველყოფს სადგურის მიერთებას 2 მონიტორთან (იხ. მონიტორი 2); ქსელის ინტერფეისი 10/100/1000; USB კლავიატურა; USB ოპტიკური მაუსი; საგარანტიო ვადა მინ. 3 წელი	4		
უწყვეტი კვების წყარო 2	1000VA/600W; საგარანტიო ვადა მინ. 1 წელი	4		
მონიტორი 2	დიაგონალი 21-22'; გარჩევადობა 1680 x 1050; შემავალი სიგნალი DVI, საგარანტიო ვადა მინ. 3 წელი	8		

შენიშვნა: მომწოდებელი უზრუნველყოფს საგარანტიო მომსახურებას დაქვემდებარებული საქონლის ტრანსპორტირებას და შეცვლის/შეკეთება შემსყიდველის მხრიდან ყოველგვარი დანახარჯების გარეშე.

3.2. ანგარიშსწორების პირობები

3.2.1. ანგარიშსწორება იწარმოებს უნაღდო ანგარიშსწორებით ლარში.

3.2.2. ანგარიშსწორება მოხდება ეტაპობრივად, საქონლის მოწოდების ეტაპების შესაბამისად, მიღება-ჩაბარების აქტის გაფორმებიდან 10 სამუშაო დღის განმავლობაში.

3.2.3 შესაძლებელია საავანსო ანგარიშსწორება, მიმწოდებლის მიერ წარმოდგენილი შესაბამისი თანხის ოდენობის გარანტიის წარმოდგენის შემდეგ.

3.3. სატენდერო წინადადება და თანმხლები დოკუმენტაცია შედგენილი უნდა იქნეს ქართულ ენაზე.

3.4. პრეტენდენტის მიერ სისტემაში ასატვირთი მონაცემები და ინფორმაცია:

3.4.1. პრეტენდენტის რეკვიზიტები, სატენდერო წინადადების მოქმედების ვადა და ანგარიშსწორების პირობები სატენდერო დოკუმენტაციის დანართი №1-ის მიხედვით.

3.4.2. მოსაწოდებელი საქონლის ფასების ცხრილი სატენდერო დოკუმენტაციის დანართი №2-ის მიხედვით.

3.4.3. მოსაწოდებელი საქონლის სრული აღწერილობა სატენდერო დოკუმენტაციის დანართი №3 შესაბამისად (ტექნიკური დავალების 3.1. პუნქტის მოთხოვნების მიხედვით).

3.4.4. საქონლის მიწოდების პირობები/ეტაპები და ვადები.

3.4.5. ინფორმაცია საგარანტიო პირობების და ვადების შესახებ.

4. სახელმწიფო შესყიდვის შესახებ ხელშეკრულების პროექტი

ქ. თბილისი

„-----“ „-----“ 2011 წ.

1. ხელშეკრულების დამდები მხარეები

1.1. ერთი მხრივ, საქართველოს შრომის, ჯანმრთელობისა და სოციალური დაცვის სამინისტრო, შემდგომში „შემსყიდველი“, _____ სახით, და მეორე მხრივ, _____ შემდგომში „მიმწოდებელი“, _____ სახით.

2. ხელშეკრულების საგანი და ღირებულება

2.1. შემსყიდველმა განახორციელა ელექტრონული ტენდერი საქართველოს შრომის, ჯანმრთელობისა და სოციალური დაცვის სამინისტროს ცენტრალური აპარატის 2011 წლის ასიგნებების ფარგლებში, საქართველოს შრომის, ჯანმრთელობისა და სოციალური დაცვის სამინისტროს მიერ სხვადასხვა დასახელების კომპიუტერული მოწყობილობებისა და მარაგის შესყიდვაზე და მიმწოდებელმა აიღო ვალდებულება მიაწოდოს შემსყიდველს ზემოაღნიშნული საქონელი ----- (-----) ლარად (შემდგომში „ხელშეკრულების ღირებულება“).

3. შესყიდვის ობიექტის მახასიათებლები

3.1 საქონლის აღწერილობა, რაოდენობა და ერთეულის ფასი განისაზღვრება ელექტრონულ ტენდერში მიმწოდებლის მიერ წარმოდგენილი თანდართული დოკუმენტების ----- შესაბამისად, რომლებიც წარმოადგენენ წინამდებარე ხელშეკრულების განუყოფელ ნაწილს.

4. საქონლის მიწოდების პირობები

4.1. ადგილი და ვადები:

4.1.1. საქონლის მოწოდების ადგილი და ვადები განისაზღვრება ელექტრონულ ტენდერში მიმწოდებლის მიერ წარმოდგენილ თანდართულ დოკუმენტში ----- მითითებული პირობების შესაბამისად, რომელიც წარმოადგენს წინამდებარე ხელშეკრულების განუყოფელ ნაწილს.

5. შესყიდვის ობიექტის მიღება-ჩაბარების წესი

5.1. ფაქტიურად მოწოდებული საქონლის მიღება-ჩაბარება განხორციელდება საქონლის მიწოდების ეტაპების შესაბამისად, წინამდებარე ხელშეკრულების 14.1 პუნქტით განსაზღვრული, ხელშეკრულების შესრულებაზე კონტროლის განმახორციელებელი კოორდინატორის მიერ შედგენილი ინსპექტირების აქტის საფუძველზე, რაზეც გაფორმდება შესაბამისი მიღება-ჩაბარების აქტი სამ ეგზემპლარად.

6. ანგარიშსწორება

6.1. ანგარიშსწორების ფორმა - უნაღდო ანგარიშსწორება ლარებში.

6.2. ანგარიშსწორება იწარმოებს ფაქტიურად მოწოდებული საქონლის მიხედვით, მხარეებს შორის გაფორმებული მიღება-ჩაბარების აქტისა და მიმწოდებლის მიერ წარმოდგენილი ფინანსური დოკუმენტების საფუძველზე, მიღება-ჩაბარების აქტის გაფორმებიდან ----- საბანკო დღის განმავლობაში;

7. მხარეთა ვალდებულებები

7.1. „მიმწოდებელი“ ვალდებულია:

7.1.1. უზრუნველყოს საქონლის მოწოდება ხელშეკრულებით განსაზღვრული პირობების შესაბამისად.

7.1.2. უზრუნველყოს გამოვლენილი დეფექტებისა და ნაკლის აღმოფხვრა საკუთარი ხარჯით, საგარანტიო ვადის ფარგლებში.

7.2. „შემსყიდველი“ ვალდებულია:

7.2.1. დროულად განიხილოს „მიმწოდებლის“ მიერ წარმოდგენილი წინადადებები, რომლებიც დაკავშირებულია ხელშეკრულების შესრულებასთან.

8. მხარეთა უფლება

8.1. „მიმწოდებელს“ უფლება აქვს:

8.1.1. ხელშეკრულების ფარგლებში მოითხოვოს დროული და სრული დაფინანსება.

8.2. „შემსყიდველს“ უფლება აქვს:

8.2.1. აწარმოოს მოწოდებული საქონლის ხარისხისა და რაოდენობის კონტროლი.

9. გარანტია

9.1. „მიმწოდებელი“ უზრუნველყოფს მოწოდებულ საქონელზე საგარანტიო მომსახურებას -- წლის განმავლობაში.

9.2. საგარანტიო პირობები მოცემულია საგარანტიო ფურცელში, რომელიც გადაეცემა „შემსყიდველს“ საქონლის მოწოდებისას

10. ხელშეკრულების შესრულების გარანტია

10.1 იმისათვის, რომ თავიდან იქნეს აცილებული რისკი, წარმოქმნილი „მიმწოდებლის“ მიერ სახელმწიფო შესყიდვების შესახებ ხელშეკრულების შეუსრულებლობის გამო, „მიმწოდებლის“ მიერ წარმოდგენილია ხელშეკრულების

შესრულების უზრუნველყოფის გარანტია (საბანკო გარანტიის სახით) სახელშეკრულებო ღირებულების 2 (ორი) პროცენტის ----- ლარის ოდენობით.

10.2, ხელშეკრულების შესრულების გარანტია გამოიყენება ნებისმიერი ზარალის ანაზღაურების მიზნით, რომელიც მიაღწევა „შემსყიდველს“ „მიმწოდებლის“ მიერ ხელშეკრულების პირობების შეუსრულებლობის ან არაჯეროვნად შესრულების შემთხვევაში.

10.3. „მიმწოდებლის მიერ ხელშეკრულების ნაკისრი ვალდებულებების სრულად შესრულების შემდეგ „შემსყიდველი“ ვალდებულია დაუბრუნოს „მიმწოდებელს“ ხელშეკრულების შესრულების უზრუნველყოფის გარანტია და/ან მასთან დაკავშირებული დოკუმენტაცია

10.4. ხელშეკრულებით ნაკისრი ვალდებულების არასრულად ან არაჯეროვნად შესრულების მიზეზით ხელშეკრულების შეწყვეტის შემთხვევაში, „შემსყიდველი“ არ დაუბრუნებს „მიმწოდებელს“ ხელშეკრულების შესრულების უზრუნველყოფის გარანტიას.

11. ფორს-მაჟორი

11.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

11.2. ამ ხელშეკრულებაში „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებთან და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნების მკვეთრი შემცირებით და სხვა.

11.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

12 ხელშეკრულების პირობების გადასინჯვა

12.1. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია წინასწარ. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

12.2. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დამატებითი შეთანხმების სახით, რომელიც ჩაითვლება ხელშეკრულების განუყოფელ ნაწილად.

12.3. სამინისტროში მიმდინარე სტრუქტურული ან სხვა ცვლილებების შემთხვევაში შესაძლებელია განხორციელდეს მომსახურების შეწყვეტა (სრული ან არასრული მოცულობით), და შესაბამისად, ხელშეკრულების შეწყვეტა ვადაზე ადრე ან შეთანხმების გაფორმება.

12.4 ნებისმიერი ცვლილება, რომელსაც მოჰყვება ხელშეკრულების ჯამური ღირებულების გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა

13. სადაო საკითხების გადაწყვეტა

13.1. შემსყიდველმა და მიმწოდებელმა ყველა ღონე უნდა იხმარონ, რათა პირდაპირი მოლაპარაკებების პროცესში შეთანხმებით მოაგვარონ ყველა უთანხმოება და დავა, რომელიც წარმოიშობა ხელშეკრულების პირობების შესრულებასთან დაკავშირებით.

13.2. თუ ასეთი მოლაპარაკების დაწყებიდან 10 (ათი) სამუშაო დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს შესაბამის სასამართლოს.

14. ხელშეკრულების შესრულების შეფერხება

14.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ ათი დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის გზით.

15. ხელშეკრულების პირობების შეუსრულებლობა

- 15.1. ხელშეკრულებით ნაკისრი ვალდებულებების შეუსრულებლობის ან/და შესრულების ვადების გადაცდენის შემთხვევაში მიმწოდებელს შესაძლებელია დაეკისროს პირგასამტეხლო სახელშეკრულებო ღირებულების 1%-ის ოდენობით ყოველ ვადაგადაცილებულ კალენდარულ დღეზე გაანგარიშებით.
- 15.2. საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.
- 15.3. იმ შემთხვევაში, თუ ვადების გადაცდენისთვის დაკისრებული პირგასამტეხლო ჯამური თანხა გადააჭარბებს ხელშეკრულების ღირებულების 5%-ს, შემსყიდველს უფლება აქვს შეწყვიტოს ხელშეკრულება.

16. ხელშეკრულების შესრულების კონტროლი

- 16.1. ხელშეკრულების შესრულების შუალედურ და საბოლოო კონტროლს განახორციელებენ ხელშეკრულების შესრულებაზე კონტროლის განმახორციელებელი კოორდინატორი: ----- დეპარტამენტის -----
----- სამმართველოს ----- .

17. ხელშეკრულების მოქმედების ვადა

- 17.1. წინამდებარე ხელშეკრულება ძალაში შედის მხარეთა მიერ ხელმოწერისთანავე.
- 17.2. ხელშეკრულების მოქმედების ვადა განისაზღვრება 2011 წლის 31 დეკემბრის ჩათვლით.

18. განსაკუთრებული პირობები

- 18.1. ხელშეკრულება შედგენილია 3 ეგზემპლარად (--- გვერდზე) და თითოეულ მათგანს თანაბარი იურიდიული ძალა აქვს.
- 18.2. ხელშეკრულების ერთი ეგზემპლარი ინახება „მიმწოდებელთან“, ხოლო ორი – „შემსყიდველთან“.

შემსყიდველი

მიმწოდებელი

5. დამატებითი ინფორმაცია

1. პრეტენდენტს არა აქვს უფლება წარმოადგინოს ალტერნატიული სატენდერო წინადადება.
2. სატენდერო წინადადების ღირებულება უნდა მოიცავდეს ამ ტენდერით გათვალისწინებული საქონლისა და მოწოდებასთან დაკავშირებულ ყველა ხარჯსა და კანონმდებლობით გათვალისწინებულ გადასახადებს. ხარჯები, რომლებიც სატენდერო წინადადების ფასში არიქნება გათვალისწინებული, არდაექვემდებარება ანაზღაურებას.
3. საქონლის მიწოდება განხორციელდება მისამართზე: ქ. თბილისი, წერეთლის გამზ. #144, (საქართველოს შრომის, ჯანმრთელობისა და სოციალური დაცვის სამინისტრო)
4. სატენდერო წინადადების ღირებულება წარმოდგენილი უნდა იყოს ეროვნულ ვალუტაში.
5. ტენდერში გამოიყენება ხელშეკრულების უზრუნველყოფის მექანიზმი. რისთვისაც გამარჯვებულმა კომპანიამ უნდა წარმოადგინოს საბანკო გარანტია ხელშეკრულების ღირებულების 2% ოდენობით.
6. სატენდერო წინადადების წარდგენამდე, მიმწოდებელი ვალდებულია გაეცნოს და დაეთანხმოს აფიდავიტის პირობებს, რა სახითაც იგი წარმოდგენილი იქნება სახელმწიფო შესყიდვების ერთიან ელექტრონულ სისტემაში. აფიდავიტის საილუსტრაციო ფორმა მოცემულია დანართ N4-ში. დანართი N4-ით გათვალისწინებული აფიდავიტის ფორმა დოკუმენტაციაში წარმოდგენილია მხოლოდ საილუსტრაციო მიზნებისთვის. აფიდავიტის პირობებზე დათანხმება ხდება ერთიან ელექტრონულ სისტემაში ელექტრონულად შესაბამის ღილაკზე დაჭერით.
7. დამატებითი ინფორმაცი აშეგიძლიათ მიიღოთ შემდეგი საკონტაქტო პირებისაგან:
სატენდერო კომისიის აპარატის წევრები: ირმა აბრამიშვილი, ნათია ბერუაშვილი საქართველოს შრომის, ჯანმრთელობისა და სოციალური დაცვის სამინისტრო (მისამართზე: ქ. თბილისი, წერეთლის გამზ. #144, (საქართველოს შრომის, ჯანმრთელობისა და სოციალური დაცვის სამინისტრო) მე-15 სართული. ტელეფონი: (995 22) 510014 –0705

1. რეკვიზიტები:

პრეტენდენტის იურიდიული ფორმა და დასახელება: _____

ხელმძღვანელის/ან უფლებამოსილი პირის სახელი და გვარი: _____

პრეტენდენტის იურიდიული ან/და ფაქტიური მისამართი: _____

პრეტენდენტის ტელეფონის ნომერი: _____

საიდენტიფიკაციო კოდი: _____

ბანკი და ბანკის კოდი: _____

ანგარიშსწორების ანგარიში: _____

2. ანგარიშსწორების პირობები: ანგარიშსწორება განხორციელდება უნაღდო ანგარიშსწორებით ლარებში, წინასწარი ანგარიშსწორებით —%-ს ოდენობით ან/და ფაქტიურად შესრულებული სამუშაოს მიხედვით, მხარეებს შორის მიღება-ჩაბარების აქტის გაფორმებიდან ————— სამუშაო დღის განმავლობაში.

3. საგარანტიო მომსახურებას დაქვემდებარებული საქონლის ტრანსპორტირებას და შეცვლის/შეკეთება ხორციელდება მომწოდებლის ხარჯით შემსყიდველის მხრიდან ყოველგვარი დანახარჯის გარეშე.

4. პრეტენდენტის სატენდერო წინადადება ძალაშია სახელმწიფო შესყიდვების ერთიან ელექტრონულ სისტემაში წინადადებების მიღების დაწყების თარიღიდან „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მე-2 მუხლის პირველი პუნქტის „ჟ“, „რ“ ან „ტ“ ქვეპუნქტებით გათვალისწინებული ეტაპის დადგომამდე.

ხელის მოწერა და ბეჭედი _____

(მომწოდებლის უფლებამოსილი პირის სახელი, გვარი)

ფასების ცხრილი

პრეტენდენტის დასახელება

დასახელება	მინიმალური სპეციფიკაციები	რაოდენობა	მოწოდების ადგილი	მოწოდების ვადა	ერთეულის ფასი	სულ ჯამი
პერსონალური კომპიუტერი	პროცესორი – 2 ბირთვი, 3.1 GHz, L2 კეში 3 MB 1066-MHz FSB ან 3 ბირთვი, 3.1 GHz, L2 1.5 MB კეში; მყარი დისკი - მინიმუმ 320-GB SATA II (7200 rpm); ოპერატიული მეხსიერება - 2-GB DDR3 PC3-8500(1066MHZ NON-ECC) ; ოპერატიული მეხსიერების სლოტი - 2 DDR3 მეხსიერების სლოტი; ოპერატიული მეხსიერების დასაშვები მაქსიმუმი - მინიმუმ 4-GB OF DDR3 ; ოპტიკური დისკის წამკითხველი - SATA CD/DVD WRITER; გრაფიკული ბარათი - ინტეგრირებული; აუდიო სისტემა - ინტეგრირებული; ქსელური კავშირი - ინტეგრირებული 10/100/1000 ETHERNET CONTROLLER ; სლოტები დედაპლატაზე - მინიმუმ PCI(2), PCIe x1(1), PCIe X16 გრაფიკული(1) სლოტები; წინა პანელი - არა ნაკლებ (2) USB 2.0 პორტი, AUDIO IN/OUT მისაერთებლები ; უკანა პანელი - არა ნაკლებ (4) USB 2.0, RJ-45, VGA ან DVI VIDEO, AUDIO IN/OUT JACKS, MIC JACK პორტები; კვების სისტემა - POWER SUPPLY of appropriate capacity; ძაბვა - AC, 220V, 50/60 Hz.; კლავიატურა - USB სტანდარტული (QWERTY); მაუსი - USB ოპტიკური (SCROLL); შესაბამისობის სერთიფიკატი - ISO 9001-9002 სერთიფიკატი; საგარანტიო ვადა - მინიმუმ 3 წელი;	170	ქ. თბილისი წერეთლის გამზირი #144	ხელშეკრულების გაფორმებიდან 15 დეკემბრამდე		
მონიტორი 1	ეკრანის დიაგონალური ზომა - არა ნაკლებ 19' WIDESCREEN ; Ratio - 16:09 ; ხედვის კუთხე - 160 ჰორიზონტალური/160 ვერტიკალური ან მეტი; სიკაშკაშე - არა ნაკლებ 200 NITS ; კონტრასტულობა (დინამიური) - 1000:1 ან მეტი; რეაგირების დრო - არა უმეტეს 5 MS ; პიქსელის ზომა - არა უმეტეს 0.28; შემავალი პორტები - VGA ან DVI (მოთხოვნილ კომპიუტერებთან თავსებადი და მისაერთებლად საჭირო კაბელებით); გაფართოება - არანაკლებ 1440 X 900, 60 HZ ; ძაბვა - AC, 220V, 50/60 Hz.; შესაბამისობის სერთიფიკატი - ISO 9001-9002 სერთიფიკატი; საგარანტიო ვადა - მინიმუმ 3 წელი;	185	ქ. თბილისი წერეთლის გამზირი #144	ხელშეკრულების გაფორმებიდან 15 დეკემბრამდე		

უწყვეტი კვების წყარო	სიმძლავრე - 600 V/A 350-360W IN 220 +/- 25% OUT 220 +/- 5% ; გამომავალი პორტები - არანაკლებ 2 battery backup, 1 surge protection; საგარანტიო პერიოდი - მინიმუმ 1 წელი;	185				
პორტაბელური კომპიუტერი 1	პროცესორი - 2 ბირთვი, triple channel memory, არანაკლებ 2.1 GHz, 3 MB L3 კეში; ოპერატიული მეხსიერება - არანაკლებ 3 GB 1333 MHz DDR3 SDRAM; მყარი დისკი - არანაკლებ 250 GB RPM 7200 rpm; დისკის ოპტიკური წამკითხველი - CD/DVD RW; ვიდეო ბარათი - ინტეგრირებული HD ფუნქციით; ქსელური კავშირი - Wi-Fi: 802.11 b/g/n, Bluetooth, 1000Base-T (Ethernet); ინტეგრირებული აქსესუარები - სტერეო დინამიკები, ვებ კამერა 0,3 MP ან მეტი, ინტეგრირებული; ეკრანი/გაფართოვება - 13.1-13,3" LED (1366 x 768); გარე პორტები - პორტების რაოდენობა არა ნაკლებ 2 USB 2.0, 1 VGA , 1 HDMI, 1 სტერეო მიკროფონი(in), 1 სტერეო ყურსასმენი(line-out), 1 RJ-45; ელემენტი - 6 Cell L-Lion მიწ. 4 საათის მუშაობის ხანგრძლივობით; ძაბვა - AC, 220V, 50/60 Hz.; ჩანთა - შესაბამისი ზომის; საგარანტიო ვადა - მინიმუმ 3 წელი;	20				
პორტაბელური კომპიუტერი 2	პროცესორი - 2 ბირთვი, CISC პროცესორი, 4 MB კეში; მიწ. 2.5 GHz, Turbo Frequency მიწ. 2.8 GHz, Thread არხების რაოდენობა - 4; ოპერატიული მეხსიერება - არა ნაკლებ 4GB DDR3; ხისტი დისკი - არა ნაკლებ 160 GB Solid Drive; ოპტიკური დისკი - ჩამონტაჟებული კომბინირებული DVD±R/CD-RW; , ინტეგრირებული GPU (გრაფიკული კარტა) - 1 GB; ქსელი - ჩამონტაჟებული Wi-Fi: 802.11 b/g/n, Bluetooth, 1000Base-T (Ethernet); აქსესუარი - ჩამონტაჟებული ვებ-კამერა; სლოტები - PCMCIA, SD CARD, Pro Duo მეხსიერების სლოტი; დისპლეი - 13.1,13.3' ფერადი, თხევად კრისტალებზე(LED), რეზოლუცია 1600x900; შესაერთებლები - USB 2.0, i-LINK (IEEE 1394), მიკროფონის და ყურთსასმენის, VGA, HDMI; კვება - 6 Cell L-Lion მიწ. 4 საათის მუშაობის ხანგრძლივობით; ოპერაციული სისტემა - Microsoft Windows 7 Professional 64-bit; ელ-კვება - AC, 220V, 50/60 Hz.; წონა - მაქს. 1.4 კგ; ჩანთა - შესაბამისი ზომის; საგარანტიო ვადა - მინიმუმ 1 წელი;	1	ქ. თბილისი წერეთლის გამზირი #144	ხელშეკრულების გაფორმებიდან 40 სამუშაო დღეში		

გრაფიკული სამუშაო სადგური	პროცესორი 6 Core CISC Processor 3.2 GHz, 12MB cache, 1066MHz FSB; ოპერატიული მეხსიერება 3x4GB 1333 MHz DDR3 ECC Unbuffered RAM; მყარი დისკები 160GB Solid State Drive, 1000 GB 7200 rpm SATA; კონტროლერი ინტეგრირებული SATA 3.0 Gb/s RAID 0, 1, 10, 5 მხარდაჭერით; არასტანდარტული პორტები 4 LSI 3041E, SAS 3 გბ/წმ RAID; ოპტიკური წამკითხველი DVD /-RW; ვიდეოადაპტერი PCI Express X16, 512MB GDDR3 SDRAM, 2 DisplayPort და 2 DVI (ან 2 DisplayPort და 1 Dual- Link DVI) პორტებით; ქსელის ინტერფეისი 1000MB; კლავიატურა; ოპტიკური მაუსი; უნდა მოყვებოდეს კაბელების კომპლექტი, რომელიც უზრუნველყოფს სადგურის მიერთებას 2 მონიტორთან (იხ. მონიტორი 2); ქსელის ინტერფეისი 10/100/1000; USB კლავიატურა; USB ოპტიკური მაუსი; საგარანტიო ვადა მინ. 3 წელი	4				
უწყვეტი კვების წყარო 2	1000VA/600W; საგარანტიო ვადა მინ. 1 წელი	4				
მონიტორი 2	დიაგონალი 21-22'; გარჩევადობა 1680 x 1050; შემავალი სიგნალი DVI, საგარანტიო ვადა მინ. 3 წელი	8				
სულ ჯამი						

შენიშვნა: სატენდერო წინადადების ფასი უნდა შეიცავდეს შესყიდვის ობიექტის მოწოდებასთან დაკავშირებულ, საქართველოს კანონმდებლობით გათვალისწინებულ ყველა სახის გადასახადს.

პრეტენდენტის ხელმოწერა და ბეჭედი _____

მოსაწოდებელი საქონლის ტექნიკური მახასიათებლები
(სატენდერო დოკუმენტაციის ტექნიკური დავალების შესაბამისად)

პრეტენდენტის დასახელება _____

№	საქონლის დასახელება	დეტალური სპეციფიკაციები	რაოდენობა	მიწოდების ადგილი	მიწოდების ვადები
1.					
2.					
3.					
4.					

პრეტენდენტის ხელმოწერა და ბეჭედი _____

აფიდავიტის ფორმა

აფიდავიტი

სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად, ასევე ვადასტურებ, რომ:

* ჩემთვის ცნობილია, რომ სატენდერო წინადადება დისკვალიფიცირებული იქნება, თუ აღმოჩნდა, რომ აფიდავიტში მოცემული ინფორმაცია არის ყალბი ან/და ცრუ;

* უფლებამოსილი ვარ პრეტენდენტის მიერ, ხელი მოვაწერო ამ აფიდავიტს და წარვადგინო ეს სატენდერო წინადადება;

* ნებისმიერი პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;

* ჩემთვის ცნობილია, რომ ტერმინი „კონკურენტი“ აფიდავიტის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;

* მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულა კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:

- სატენდერო წინადადების ფასი;
- სატენდერო წინადადების ფასის გამოთვლის მეთოდი, კოეფიციენტი ან ფორმულა;
- სატენდერო წინადადების წარდგენა ან წარდგენისგან თავის შეკავება;
- ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებულ ტენდერის პირობებს;
- შესყიდვის ობიექტის ხარისხი, მოცულობა, ტექნიკური პირობები ან მიწოდების დეტალები, რომელთაც ეხება სატენდერო წინადადება;

* სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯაროების მომენტამდე.

გავეცანი ამ აფიდავიტის შინაარსს და ვადასტურებ წარმოდგენილი ინფორმაციის უტყუარობას.

სახელმწიფო შესყიდვების მიზნებისთვის, აფიდავიტი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერი, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავიტით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის

სამართლის კოდექსის 195¹ მუხლის შესაბამისად.